



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Manuale Sodalitatis B. Mariae Virginis. siue Exercitium Spirituale Christianae Pietatis**

**Véron, François**

**Coloniae Agrippinae, 1505 [i. e. 1605]**

11. Expositio Salutationis Angelicæ.

[urn:nbn:de:hbz:466:1-46577](https://nbn-resolving.org/urn:nbn:de:hbz:466:1-46577)

lationis exercitium, quandoquidem gratam memoriam continet Sanctorum omnium, quorum vocibus, & æternis encomiis, honoribusque, quos semper Deo, parentique eius tribuunt & decantant, nostras quasi voces & laudes adiungimus; facere iam incipientes in terris, quod facere cupimus æternum in cœlis.

### PARS VNDECIMA.

*Expositio Salutationis Angelicæ ex sanctis Patribus Latinis & Græcis contexta, per modum meditationis usurpanda: Cum aliquot SS. Patrum orationibus, quibus opem implorant B. Virg. Maria.*

### AVE MARIA.

*S. Ephrem  
orat de lau-  
dibus san-  
ctissime  
Dei ma-  
tris.*

**A**ve Domina, stella fulgentissima, lux illustrissima.  
Ave pax, gaudium, & salus mundi.  
Ave generis humani lætitia.  
Ave Patrum patrocinium, & Prophetarum decus.  
Ave Martyrum pulchritudo, & corona Sanctorum.

GRA.



## GRATIA PLENA.

Impleta es gratia, & Euæ vacuata est  
culpa: Maledictio Euæ in benedictionem  
mutatur Mariæ.

*S. Aug. ser.  
2. de An-  
nunc.*

Singulis gratia se est largita per par-  
tes, tibi verò se totam dedit gratiæ pleni-  
tudo.

*S. Petrus  
Chrysolog⁹  
ser. 143.*

## DOMINVS TECVM.

Tecum in corde, tecum in ventre, te-  
cum in vtero, tecum in auxilio.

*S. Aug. loco  
citato.*

Nec tantum Dominus filius tecum, quem  
carne tua induis; sed & Domin⁹ Spi-  
ritus sanctus, de quo concipis; & Dominus  
Pater, qui genuit quem concipis.

*S. Bernar.  
hom. 3. su-  
per missus.*

## BENEDICTA TV IN MV-

## LIERIBVS.

O foemina super omnes foeminas be-  
nedicta, quæ virum nō nosti, & virum tuo  
vtero circundedisti.

*S. Aug. lo-  
co citato.  
S. Chrysost.*

Verè benedicta, quæ fuisti maior cœ-  
lo, fortior terra, orbe latior: nam Deum  
quem mundus non capit, sola cepisti. Por-  
tasti Deum, qui portat orbem; genuisti  
genitorem tuum, nutriuisti omnium vi-  
uentium nutritorem, benedicta tu, quæ il-  
lam generalem maledictionem euasisti,  
qua dictum est, In tristitia paries filios; &

*loco citato.*

**E** s

nihil-



nihilominus illam, quâ scriptum est, Maledicta sterilis in Israel; ac singularem consecuta es benedictionem, ut nec sterilis manear, nec cum dolore parturias.

*S. Andr.  
Cretens. in  
salut. An-  
gel.*

Tu verè benedicta, quæ sola sine viri coniunctione filium genuisti, qui coelos condidit, & terram virginitate tua coelis exæquavit.

Benedicta tu in mulieribus, quam beatam dicunt omnes generationes; quam reges honorant, principes venerantur; diuites populi obsecrant; virgines quæ vel præcesserunt, vel sequuntur, in templum regis comitantur.

# ET BENEDICTVS FRVCTVS VENTRIS TVI IESVS.

*S. Bern. lo-  
co citato.*

Verè benedictus fructus ventris tui, in quo benedictæ sunt omnes gentes: de cuius plenitudine tu quoque accepisti cum cæteris, etsi differentiùs à cæteris. Benedictus in odore, benedictus in sapore, benedictus in specie.

*S. Andr.  
Cretens. lo-  
co citato.*

Benedictus fructus, ex quo ligni amaritudo dulcescit; qui ex incorrupta virginei uteri planta racemos extulit.

Benedictus fructus, de quo vascens protoplastus Adam, euomuit veterem illam potionem, per quam fraudis venenū hauserat.

Bene-



Benedictus fructus, ex quo vitalis panis dominici corporis, & salutare immortalitatis poculum conficitur.

SANCTA MARIA, MATER DEI ORA PRO NOBIS PECCATORIBVS, NVNC, ET IN HORA MORTIS NOSTRAE. AMEN.

His paucis verbis Sancta mater Ecclesia comprehendit, an per epitomen quasi complectitur omnes SS. Patrum orationes, preces, supplicationes, quas ipsi beatæ virgini obtulerunt; vt ex sequentibus fiet manifestissimum.

*Sancti Augustini, Ecclesiæ Summi Doctoris, perelegans ad B. Virginem Mariam.*

## ORATIO.

**O** Beata Maria, quis tibi dignè valeat *Serm. 2. de*  
iura gratiarum, ac laudum preconia *annunciati-*  
rependere, quæ singulari tuo assensu, mun *one domi-*  
do succurristi perditio? Quas tibi laudes fra *nica.*  
gilitas humani generis persoluat, quæ solo tuo commercio recuperandi cœli adiutum inuenit? Accipe itaque quascunque exiles, quascunque meritis tuis impares gratiarum actiones; & cum susceperis vota, culpas nostras orando excusa. Admitte nostras preces intra sacrariū exauditionis,



& reporta nobis an ydotum reconcilia-  
tionis. Sit per te excusabile, quod per te in-  
gerimus; fiat impetrabile quod fida men-  
te poscimus. Accipe quod offerimus, redo-  
na quod rogamus, excusa quod timemus,  
quia tu es spes vnica peccatorum, per te  
speramus veniam delictorum, & in te bea-  
tissima nostrorum est expectatio præmio-  
rum. Sancta Maria succurre miseris, iuua  
pusillanimes, refoue debiles; ora pro po-  
pulo, interueni pro clero, intercede pro  
deuoto fœmineo sexu. sentiant omnes tuū  
iuuamen, quicunque celebrant tuam com-  
memorationem. Assiste parata votis pos-  
centium, & repende omnibus optatum ef-  
fectum. Sint tibi studia assidue orare pro  
populo Dei, quæ meruisti benedicta re-  
demptorem ferre mundi, qui viuit, & re-  
gnat in secula seculorum. Amen.

*Beati Ephræm Syri, viri sanctissimi, &  
doctissimi ad eandem B.  
virginem Oratio.*

*In Oratiōe  
ad sanctissi-  
mam Dei  
genitricem.* **O** Immaculata, impolluta, incorrupta,  
pudica virgo, Dei spōsa, Domina no-  
stra, vnica spes desperatorum, oppresso-  
rum subsidium, & ad te currentium auxi-  
lium praesentissimum, omnium denique  
Christianorum profugium; meam for-  
didis-



didissimam, indignisque labrijs expressam  
orationem admitte, nec nō tuum quidem  
filium, meum autem herum, & Deum ma-  
terna tua liberalitate volens exora, vt mi-  
hi quoque mitissima illa suæ pietatis visce-  
ra referet, & posthabitis innumerabilibus  
peccatis, ad pœnitentiam me conuertat,  
probeque sua complere mandata conce-  
dat. Adsis mihi semper Virgo misericors,  
clemens, & benigna, in præsentī quidē  
vita feruens protectrix & auxiliatrix, ho-  
stiles impetus repellens, & me deducens ad  
salutem, ac in supremo vitæ momento mi-  
seram meam animam conseruās, & tene-  
brosos malorum dæmonum aspectus ab  
ea procul abigens; in terribili autem die iu-  
dicij, ab æterna damnatione me liberans;  
postremò inaccessæ tui filij & Dei gloriæ  
me hæredem efficiens: quam per interces-  
sionem fauoremque tuum, domina mea  
sanctissima, Dei mater, te etiam atque etiā  
oro assequi valeam, gratia, miseratione &  
humanitate vnigeniti tui filij, Domini &  
Dei, ac Saluatoris nostri Iesu Christi, cui  
conuenit omnis gloria, honos, & venera-  
tio cum æterno eius patre, & sanctissimo,  
optimoque vitæ auctore Spiritu, nunc, &  
semper, & in secula seculorum, Amen.



*Beati Bernardi Doctoris melliflui Oratio  
ad D. Virginem.*

*Serm. 2. de  
Aduentu  
Domini.*

**P**ER te accessum habeamus ad filium o  
benedicta inuentrix gratiae, Genitrix  
vitae, mater salutis, vt per te nos susci-  
piat, qui per te datus est nobis. Excuset a-  
pud ipsum integritas tua culpam nostrae  
corruptionis, & humilitas Deo grata no-  
strae veniam impetret vanitati. Copiosa ca-  
ritas tua nostrorum cooperiat multitudi-  
nem peccatorum, & foecunditas gloriosa  
foecunditatem nobis cōferat meritorum.  
Domina nostra, mediatrix nostra, tuo Fi-  
lio nos reconcilia, tuo Filio nos commen-  
da, tuo Filio nos repraesenta. Fac o benedi-  
cta per gratiam, quam inuenisti, per prero-  
gatiuam quam meruisti, per misericordiam  
quam peperisti, vt qui te mediante fieri di-  
gnatus est particeps infirmitatis, & mise-  
riae nostrae, te quoque intercedente partici-  
pes faciat nos gloriae, & Beatitudinis suae,  
Iesus Christus, Filius tuus, Dominus no-  
ster, qui est super omnia Deus benedictus  
in saecula. Amen.

*Nos cum prole pia benedicat virgo  
Maria.*

CAPVT